



Broj: 07-05-15-31602-2/24
Sarajevo, 13.06.2024. godine

Na osnovu člana 4. stav (1) Pravilnika o postupcima u provođenju programa razvoja male privrede ("Službene novine Kantona Sarajevo", br. 20/21, 25/23, 47/23 i 16/24), a u skladu sa Odlukom o usvajanju Godišnjeg plana provođenja Programa razvoja male privrede za 2024. godinu, broj: 02-04-27491-55/24 od 09.05.2024. godine i Odlukom o usvajanju Izmjena i dopuna ovog Godišnjeg plana, broj: 02-04-29617-50/24 od 23.05.2024. godine, Ministarstvo privrede Kantona Sarajevo objavljuje

JAVNI POZIV **za dostavljanje ponude u svrhu izbora banke/banaka** **za plasman poticajnih kreditnih sredstava uz subvenciju kamatne stope**

I PREDMET POZIVA

Predmet Javnog poziva je izbor banke/banaka za plasman poticajnih kreditnih sredstava uz subvenciju kamatne stope po LOT-ovima prikazanim u Tabeli 1. ovog Javnog poziva.

Tabela 1. LOT 1 i LOT 2 Javnog poziva

Broj LOT-a	Kategorija	Ukupan iznos sredstava za subvenciju kamatne stope (KM)	Maksimalni rok otplate kredita ¹ (mjeseci)	Visina kamatne stope za subvenciju	Maksimalni iznos kreditnih sredstava po korisniku (KM)
LOT 1	Srednji subjekti male privrede	1.500.000,00	84	do 3%	2.000.000,00
LOT 2	Mikro i mali subjekti male privrede	1.500.000,00	84	do 3%	2.000.000,00

II PRAVO UČEŠĆA

Pravo učešća na ovom Javnom pozivu ima komercijalna banka koja po LOT-u 1 i/ili LOT-u 2 dostavi ponudu u skladu sa ovim Javnim pozivom i:

- 1) ako joj je adekvatnost kapitala na dan 31.12.2023. godine veća ili jednaka 15%,
- 2) ako joj je visina kapitala na dan 31.12.2023. godine veća ili jednaka 100.000.000,00 KM,

¹ Bez uključenog grace perioda od minimalno šest mjeseci.



- 3) ako nije pod stečajem, niti je predmet stečajnog postupka, ako nije predmet postupka likvidacije, odnosno ako nije u postupku obustavljanja poslovne djelatnosti u skladu sa važećim propisima u Bosni i Hercegovini,
- 4) ako uredno ispunjava obaveze plaćanja poreza i doprinosa,
- 5) ako ispunjava sve ostale uslove iz ovog Javnog poziva i
- 6) ako je primjenom kriterija za odabir banke iz Poglavlja X tačka 10) ovog Javnog poziva i limita ukupno planiranih sredstava iz Poglavlja VI ovog Javnog poziva odabran kao ponuđač za realizaciju odnosno kreditne linije po LOT-u 1 i/ili LOT-u 2 ovog Javnog poziva.

III PRAVO KORIŠTENJA POTICAJNIH KREDITNIH SREDSTAVA

Pravo na korištenje poticajnih kreditnih sredstava uz subvenciju kamatne stope iz kreditne linije koju bude provodila banka odabrana po LOT-u 1 ovog Javnog poziva ima srednji subjekt male privrede koji je kao takav definisan Zakonom o poticaju razvoja male privrede ("Službene novine Kantona Sarajevo", broj 29/15), a pravo na korištenje poticajnih kreditnih sredstava uz subvenciju kamatne stope iz kreditne linije koju bude provodila banka odabrana po LOT-u 2 ovog Javnog poziva ima mikro i mali subjekt male privrede koji je kao takav definisan ovim Zakonom. Mikro, mali i srednji subjekt male privrede sa sjedištem na području Kantona Sarajevo ima pravo korištenja poticajnih kreditnih sredstava iz odnosne kreditne linije koju bude provodila odabrana banka po pripadajućem LOT-u ovog Javnog poziva ako obavlja osnovnu djelatnost iz Tabele 2. ovog Poglavlja.

Tabela 2. Popis registrovanih osnovnih djelatnosti obuhvaćenih Javnim pozivom

Popis registrovanih osnovnih djelatnosti obuhvaćenih Javnim pozivom		
Područje prema KD BiH 2010	Naziv područja prema KD BiH 2010	Obuhvaćene šifre djelatnosti iz područja prema KD BiH 2010
C	Prerađivačka industrija	(10.11-10.92), 11.07, (13.10-18.20), (20.11-25.30) i (25.50-33.20)
D	Proizvodnja i snabdijevanje električnom energijom, plinom, parom i klimatizacija	35.11
E	Opskrba vodom; uklanjanje otpadnih voda, gospodarenje otpadom te sanacije okoliša	38.11, 38.12, 38.21, 38.22, 38.31 i 38.32
F	Građevinarstvo	(41.10-43.99)
G	Trgovina na veliko i na malo; Popravak motornih vozila i motocikala	(45.11-45.40), (46.21-46.24), (46.31-46.33), (46.36-46.39), (46.41-46.77), 46.90, (47.11-47.24), 47.29 i (47.41-47.79)
H	Prevoz i skladištenje	49.31, 49.39, 49.41, 49.42, 52.10, 52.21, 52.23, 52.24 i 52.29
I	Djelatnosti pružanja smještaja te pripreme i usluživanja hrane	(55.10-56.29)
J	Informacije i komunikacije	(58.11-63.99)



M	Stručne, znanstvene i tehničke djelatnosti	(69.10-75.00)
N	Administrativne i pomoćne uslužne djelatnosti	(79.11-79.90), (81.21-81.30), 82.11 i 82.20
P	Obrazovanje	85.10 i (85.51-85.60)
Q	Djelatnosti zdravstvene zaštite i socijalne skrbi	(86.21-88.99)
S	Ostale uslužne djelatnosti	(95.11-96.04)

IV NAMJENA UTROŠKA POTICAJNIH KREDITNIH SREDSTAVA

Kreditna linija uz subvencioniranu kamatnu stopu koja se provodi po LOT-u 1, odnosno LOT-u 2 ima za cilj da pruži finansijsku podršku subjektu male privrede kako je to prikazano u Tabeli 1. ovog Javnog poziva. Kreditne linije uz subvencioniranu kamatnu stopu po LOT-u 1 i LOT-u 2 imaju za cilj da pruže finansijsku podršku subjektu male privrede za nabavku osnovnih sredstava i investicije (dugoročna finansiranja), za obezbjeđenje tekuće likvidnosti, produktivnije poslovanje i rast privrednih aktivnosti, kao i za finansiranje za trajna obrtna sredstva. Subjekt male privrede kojem se odobre kreditna sredstva iz kreditne linije koja se provodi po svakom od LOT-ova ovog Javnog poziva obavezuje se da ista koristi na način da najmanje 50% odobrenog iznosa utroši za osnovna sredstva, a maksimalno do 50% odobrenog kreditnog iznosa za obrtna sredstva i održavanje tekuće likvidnosti. Korisnik poticajnih kreditnih sredstava obavezan je zadržati minimalno 70% od broja uposlenih koji je imao na dan podnošenja zahtjeva za kredit. Sredstva iz odnosne kreditne linije trebaju omogućiti subjektu male privrede kupovinu mašina i opreme, razvoj i pokretanje novih aktivnosti, održavanje i unapređenje postojeće proizvodnje, veće iskorištenje privrednih kapaciteta, ekonomsku stabilnost privrednog subjekta, održavanje postojećih radnih mjesta, novo zapošljavanje, održivost poslovanja subjekta male privrede, povećanje izvoza i obezbjeđenje redovnog poslovanja. Izbor korisnika kreditnih sredstava i iznos pojedinačnih poticajnih kreditnih sredstava utvrđuje odabrana banka, u skladu sa uslovima iz Godišnjeg plana provođenja Programa razvoja male privrede za 2024. godinu (u daljnjem tekstu: Godišnji plan) i ovog Javnog poziva.

V IZNOS I ROK DODJELE POTICAJNIH KREDITNIH SREDSTAVA

Odabrana banka po LOT-u 1 ovog Javnog poziva, u skladu sa odnosnim propisima i pravilima struke obezbjeđuje sredstva za kreditnu liniju srednjim subjektima male privrede u pojedinačnom iznosu do 2.000.000,00 KM, na rok do sedam godina (84 mjeseca) koji ne uključuje grace period od minimalno šest mjeseci. Za subvenciju troškova po osnovu kamatne stope u visini do 3,0%, odabranoj banci po LOT-u 1, Ministarstvo privrede Kantona Sarajevo dodjeljuje iznos od 1.500.000,00 KM, a ova subvencija se odnosi na kratkoročna i dugoročna kreditna sredstva plasirana putem odabrane banke.

Odabrana banka po LOT-u 2 ovog Javnog poziva, u skladu sa odnosnim propisima i pravilima struke obezbjeđuje sredstva za kreditnu liniju mikro i malim subjektima male privrede u pojedinačnom iznosu do 2.000.000,00 KM, na rok do sedam godina (84 mjeseca) koji ne uključuje grace period od minimalno šest mjeseci. Za subvenciju troškova po osnovu kamatne stope u visini do 3,0%, odabranoj banci po LOT-u 2, Ministarstvo privrede Kantona Sarajevo dodjeljuje iznos od 1.500.000,00 KM, a ova subvencija se odnosi na kratkoročna i dugoročna kreditna sredstva plasirana putem odabrane banke.



VI IZNOS SREDSTAVA

Ukupan planirani iznos sredstava (limit): Ukupan planirani iznos sredstava (limit) koji se dodjeljuje odabranoj banci/bankama za subvencioniranje kamatne stope po ovom Javnom pozivu je 3.000.000,00 KM (slovima: trimiliona konvertibilnih maraka), a ova finansijska sredstva utvrđena su u Budžetu Kantona Sarajevo za 2024. godinu, na poziciji "Poticaj razvoju male privrede", ekonomski kod 614500, subanalitika IAP 005 i planirana u Godišnjem planu.

Iznos sredstava za subvenciju kamatne stope po LOT-u 1: Maksimalni iznos sredstava za subvenciju kamatne stope koji se dodjeljuje banci odabranoj za provođenje kreditne linije namijenjene srednjim subjektima male privrede je 1.500.000,00 KM (jedanmilijonpetstotinhiljada konvertibilnih maraka).

Iznos sredstava za subvenciju kamatne stope po LOT-u 2: Maksimalni iznos sredstava za subvenciju kamatne stope koji se dodjeljuje banci odabranoj za provođenje kreditne linije namijenjene mikro i malim subjektima male privrede je 1.500.000,00 KM (jedanmilijonpetstotinhiljada konvertibilnih maraka).

VII SADRŽAJ PONUDE

Banka, odnosno ponuđač koji aplicira na ovaj Javni poziv mora dostaviti ponudu po LOT-u 1 i/ili LOT-u 2, koja uključuje sljedeće:

- 1) **Ponudu za LOT 1 i/ili LOT 2**, u originalu, ovjerenu potpisom ovlaštenih lica i pečatom ponuđača, koja obavezno sadržava podatke za sve kriterije navedene u Poglavlju X tački 10) ovog Javnog poziva.
- 2) **Opće isprave i drugu opću dokumentaciju**, kako slijedi:
 - a) Aktuelni izvod iz sudskog registra za subjekt upisa izdat od nadležnog registarskog suda (original ili fotokopija ovjerena od nadležnog organa - općina/notar);
 - b) Dozvolu za rad izdatu od Agencije za bankarstvo Federacije Bosne i Hercegovine (original ili fotokopija ovjerena od nadležnog organa - općina/notar);
 - c) Certifikat o članstvu u sistemu osiguranja depozita u Bosni i Hercegovini izdat od Agencije za osiguranje depozita Bosne i Hercegovine (original ili fotokopija ovjerena od nadležnog organa - općina/notar);
 - d) Uvjerenje o poreskoj registraciji - identifikacijski broj (ID broj) izdato od Porezne uprave Federacije BiH (original ili fotokopija ovjerena od nadležnog organa - općina/notar);
 - e) Uvjerenje o registraciji obveznika poreza na dodanu vrijednost izdato od Uprave za indirektno/neizravno oporezivanje BiH ili u slučaju da podnosilac prijave nije obveznik po ovom osnovu potrebno je dostaviti uvjerenje Uprave za indirektno/neizravno oporezivanje BiH da isti nije upisan u Jedinostveni registar obveznika indirektnih poreza, ne starije od 60 dana od dana objave Obavještenja o Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
 - f) Uvjerenje Porezne uprave Federacije BiH o izmirenim obavezama po osnovu poreza i doprinosa ne starije od 60 dana od dana objave Obavještenja o ovom Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar);
 - g) Uvjerenje Uprave za indirektno/neizravno oporezivanje BiH o izmirenim indirektnim porezima ne starije od 60 dana od dana objave Obavještenja o ovom Javnom pozivu u "Službenim novinama Kantona Sarajevo" (original ili fotokopija ovjerena od nadležnog organa - općina/notar), izuzev ako je ponuđač dostavio uvjerenje Uprave za indirektno/neizravno oporezivanje BiH da isti nije upisan u Jedinostveni registar obveznika indirektnih poreza iz podtačke e) ove tačke;



- h) Uvjerenje nadležnog suda kod kojeg je ponuđač registrovan kojim se potvrđuje da isti nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini (original ili fotokopija ovjerena od nadležnog organa - općina/notar)
- i) Finansijske izvještaje za 2023. godinu sa iskazanim potrebnim minimalnim iznosom dioničkog kapitala i dobiti nakon oporezivanja na dan 31.12.2023. godine koji uključuju sljedeće (bilans stanja, bilans uspjeha, izvještaj o promjenama u kapitalu i izvještaj o gotovinskim tokovima) (original ili fotokopija ovjerena od nadležnog organa - općina/notar);
- j) Izjavu u originalu, na memorandumu ponuđača, ovjerenu pečatom ponuđača i potpisanu od ovlaštenih lica ponuđača o tehničkoj opremljenosti i osposobljenosti za izvršenje traženih usluga (broj filijala/podružnica/ispostava banke u Kantonu Sarajevo);
- k) Izjavu u originalu, na memorandumu ponuđača, ovjerenu pečatom ponuđača i potpisanu od ovlaštenih lica ponuđača, kojom se daje saglasnost da Ministarstvo privrede Kantona Sarajevo i Komisija za izbor banke/banaka po ovom Javnom pozivu mogu obrađivati dokumente kojima se dokazuje lični identitet ovlaštenih lica ponuđača i lični identitet drugih lica u vezi sa predmetnom prijavom shodno odredbama Zakona o zaštiti ličnih podataka ("Službeni glasnik BiH", br. 49/06, 76/11 i 89/11);
- l) Pojedinačne izjave predsjednika i članova uprave ponuđača u originalu, ovjerene potpisom odnosno lica, te dodatno ovjerene od nadležnog organa - općina/notar, kojom svako od ovih lica pod punom moralnom, materijalnom i krivičnom odgovornošću potvrđuje da se protiv njega ne vodi krivični postupak i da nije pravosnažno osuđen za počinjenje krivičnog djela i/ili privredni prijestup.

Napomena 1: Ponuda obavezno mora sadržavati sve potrebne isprave i dokumentaciju iz tačke 1) i 2) Poglavlja VII ovog Javnog poziva, a ove isprave i dokumentacija trebaju biti poredane tačnim redoslijedom koji je propisan ovim Poglavljem. Ponuda treba biti čvrsto uvezana, a sve strane ponude numerisane i ovjerene pečatom ponuđača i potpisom ovlaštenih lica ponuđača.

Napomena 2: Ponuđač može dostaviti ponudu iz tačke 1) ovog Poglavlja za jedan ili oba LOT-a ovog Javnog poziva.

Napomena 3: Ukoliko se naknadno utvrdi da su tvrdnje u izjavama podnosioca ponude iz podtačke j) i l) tačke 2) ovog Poglavlja neistinite, kao i da je druga dokumentacija ponuđača propisana ovim Poglavljem neistinita, ponuda se neće uzeti u razmatranje, a ukoliko se ove činjenice utvrde nakon dodjele sredstava za subvenciju kamatne stope, ponuđač kojem budu dodijeljena sredstva dužan je izvršiti povrat ovih sredstava sa pripadajućim zakonskim zateznim kamatama.

VIII ROK ZA DOSTAVLJANJE PONUDA

Rok za dostavljanje ponuda je 30 (trideset) dana od dana objave Obavještenja o Javnom pozivu u "Službenim novinama Kantona Sarajevo", odnosno od 13.06.2024. godine. Javni poziv objavljen je na web stranici Ministarstva privrede Kantona Sarajevo: <http://mp.ks.gov.ba/>.

IX MJESTO I NAČIN DOSTAVLJANJA PONUDA

Ponude se podnose u zatvorenoj kovrti direktno na protokol Kantona Sarajevo ili preporučeno putem pošte na adresu: Ministarstvo privrede Kantona Sarajevo, ulica Reisa Džemaludina Čauševića broj 1, sa naznakom "Ne otvarati - Javni poziv za dostavljanje ponude u svrhu izbora banke/banaka za plasman poticajnih kreditnih sredstava uz subvenciju kamatne stope". Na poleđini kovrte obavezno je navesti sljedeće: puni naziv ponuđača, LOT ili LOT-ovi po kojima se podnosi ponuda, adresa, e-mail adresa i kontakt telefon, te ovjeriti pečatom.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

X PRAVILA I KRITERIJI ZA IZBOR BANKE

- 1) Komisiju za izbor banke/banaka po ovom Javnom pozivu (u daljnjem tekstu: Komisija) rješenjem imenuje ministar privrede Kantona Sarajevo.
- 2) Nakon isteka roka za dostavljanje ponuda po ovom Javnom pozivu, Komisija, putem Ministarstva privrede Kantona Sarajevo, elektronskim putem (e-mailom) će obavijestiti sve podnosiocce ponude o datumu, vremenu i mjestu javnog otvaranja dostavljenih ponuda na ovaj Javni poziv.
- 3) Komisija, nakon evaluacije ispunjenosti uslova ovog Javnog poziva i evaluacije kriterija iz tačke 10) ovog Poglavlja, sačinjava preliminarni prijedlog izabrane banke/banaka za plasman poticajnih kreditnih sredstava po svakom od LOT-ova ovog Javnog poziva, te isti objavljuje na web stranici Ministarstva privrede Kantona Sarajevo i Oglasnoj ploči Kantona Sarajevo.
- 4) Ponuđač, u cilju zaštite svojih prava može dostaviti pisani prigovor Ministarstvu privrede Kantona Sarajevo, u roku od osam dana od dana objave preliminarnog prijedloga iz tačke 3) ovog Poglavlja.
- 5) Po prigovoru iz tačke 4) ovog Poglavlja rješava Ministarstvo privrede Kantona Sarajevo najkasnije u roku od 15 dana.
- 6) Odmah nakon rješavanja svih prigovora iz tačke 5) ovog Poglavlja ili odmah nakon isteka roka iz tačke 5) ovog Poglavlja, ako ovi prigovori nisu dostavljeni u ovom roku, Komisija sačinjava prijedlog izabrane banke/banaka za plasman poticajnih kreditnih sredstava po svakom od LOT-ova ovog Javnog poziva.
- 7) Na osnovu prijedloga iz tačke 6) ovog Poglavlja, Ministarstvo privrede Kantona Sarajevo utvrđuje prijedlog odluke o izboru banke/banaka za plasman poticajnih kreditnih sredstava po svakom od LOT-ova ovog Javnog poziva, a ovu odluku na prijedlog Ministarstva privrede Kantona Sarajevo donosi Vlada Kantona Sarajevo.
- 8) Ministarstvo privrede Kantona Sarajevo pojedinačno sa izabranom bankom po svakom od LOT-ova ovog Javnog poziva, a na osnovu odluke Vlade Kantona Sarajevo iz tačke 7) ovog Poglavlja, zaključuje ugovor o poslovnoj saradnji, odnosno načinu plasmana poticajnih kreditnih sredstava, čije odredbe moraju biti usklađene sa Zakonom o poticaju razvoja male privrede ("Službene novine Kantona Sarajevo", broj 29/15), Pravilnikom o postupcima u provođenju programa razvoja male privrede ("Službene novine Kantona Sarajevo", br. 20/21, 25/23, 47/23 i 16/24) i odredbama propisa kojima se uređuju obligacioni odnosi.
- 9) U slučaju da se u postupku po ovom Javnom pozivu ne izabere niti jedna banka ili se izabere banka samo za jedan LOT, može se objaviti novi (drugi) javni poziv za izbor banke za preostala poticajna sredstva.
- 10) Za LOT 1 i LOT 2 ovog Javnog poziva kriteriji za izbor banke za plasman kreditnih sredstava uz subvenciju kamatne stope su sljedeći:
 - a) visina fiksne kamatne stope (iskazana u %) - maksimalno 80 bodova,
 - b) visina troškova obrade kredita (iskazana u %) = 0% - 10 bodova,
visina troškova obrade kredita (iskazana u %) > 0% - maksimalno 8 bodova,
 - c) grace period (iskazan u mjesecima) = 6 mjeseci - 2 boda
grace period (iskazan u mjesecima) > 6 mjeseci - maksimalno 10 bodova.
- 11) Ponuđač je u ponudi dužan dostaviti podatke za sva tri kriterija navedena u tački 10) ovog Poglavlja, a u slučaju da ponuđač propusti dostaviti ponudu koja uključuje ove podatke, dostavljena ponuda će biti odbačena.
- 12) Podaci iz tačke 10) ovog Poglavlja upisuju se brojevima i slovima, a u slučaju neslaganja iznosa upisanih broječno i slovima, prednost se daje iznosu upisanom slovima.
- 13) Po ovom Javnom pozivu nije dopušteno dostavljanje alternativnih ponuda po bilo kojem od kriterija navedenim u tački 10) ovog Poglavlja.

- 14) Za realizaciju kreditne linije po svakom od LOT-ova iz ovog Javnog poziva bira se po jedna banka. U ovisnosti od rezultata evaluacije uslova i kriterija po ovom Javnom pozivu, jedna banka može biti odabrana za realizaciju kreditne linije po jednom ili oba LOT-a.
- 15) U slučaju da dvije ili više banaka, nakon ocjenivanja ponuda, ostvare isti broj bodova, prednost u postupku izbora banke imat će ponuda banke čija je veća adekvatnost kapitala na dan 31.12.2023. godine.
- 16) Pojedinačno, za LOT 1 i LOT 2, ugovor o poslovnoj saradnji zaključuje se sa odnosnom izabranom bankom koja je u skladu sa uslovima i kriterijima ovog Javnog poziva dostavila ekonomski najpovoljniju ponudu. Sve banke, učesnice na Javnom pozivu bit će obaviještene o odluci i rezultatu postupka izbora banke, u roku od sedam dana od dana donošenja predmetne odluke.

XI OBAVEZE IZABRANE BANKE

- 1) Obaveza izabrane banke po LOT-u 1 i LOT-u 2 ovog Javnog poziva je da nakon zaključivanja ugovora sa Ministarstvom privrede Kantona Sarajevo i uz saglasnost ovog Ministarstva objavi javni poziv za dodjelu poticajnih kreditnih sredstava, s tim da se prijave sa potrebnom dokumentacijom podnose izabranoj banci. Izabrana banka po svakom LOT-u, u skladu sa odnosnim propisima i pravilima struke obezbjeđuje sredstva za kreditnu liniju u pojedinačnom iznosu kredita za korisnika do 2.000.000,00 KM, na rok do sedam godina (84 mjeseca) koji ne uključuje grace period. Javni poziv za subjekte male privrede po odnosnom LOT-u, koji objavi izabrana banka otvoren je do iskorištenja sredstava namijenjenih za subvenciju, a najkasnije do 31.08.2025. godine.
- 2) Prijem zahtjeva, proces obrade i odobravanje kreditiranja iz sredstava odnosne kreditne linije vršit će izabrana banka po LOT-u 1 i LOT-u 2 u roku ne dužem od 30 dana od dana podnesenog zahtjeva.
- 3) Izabrana banka po LOT-u 1 i LOT-u 2 koja zaključi ugovor o poslovnoj saradnji sa Ministarstvom privrede Kantona Sarajevo ima obavezu da iskoristi minimalno 80% dodijeljenih sredstava za subvenciju do isteka ugovorenog roka za zaključenje ugovora sa korisnicima sredstava predmetne kreditne linije iz tačke 1) ovog Poglavlja, a za šta se banka obavezuje dostaviti bezuslovnu i na prvi poziv naplativu garanciju za dobro izvršenje ugovora u visini od 10% od cjelokupnog iznosa dodijeljene subvencije, i to sa rokom važnosti 30 dana dužim od roka za zaključenje ugovora sa korisnicima sredstava. U slučaju da odabrana banka do krajnjeg roka ne iskoristi minimalno 80% dodijeljenih sredstava za subvenciju, ova banka dužna je platiti ugovornu kaznu u iznosu od 10% od iznosa dodijeljenih sredstava za subvenciju u roku utvrđenom ugovorom o poslovnoj saradnji. Ukoliko ova banka propusti uplatiti predmetnu ugovornu kaznu u utvrđenom roku Ministarstvo privrede Kantona Sarajevo ima pravo na naplatu bankovne garancije za dobro izvršenje ugovora.
- 4) Pravo na dodjelu poticajnih kreditnih sredstava uz subvencioniranje kamatne stope i ugovoreni grace period na dugoročne kredite ostvaruju subjekti male privrede kako je to propisano u ovom Javnom pozivu.
- 5) Izabrana banka nakon izvršene obrade kreditnog zahtjeva dostavlja Ministarstvu privrede Kantona Sarajevo pisani zahtjev za saglasnost na odobrenje kreditiranja, te uz pisanu saglasnost Ministarstva privrede Kantona Sarajevo, zaključuje ugovor sa korisnikom najkasnije u roku od 30 dana od dana podnesenog zahtjeva. Izabrana banka garantuje za računovodstvenu evidenciju odobrenih kreditiranja, za tačnost podataka i informacija prema Ministarstvu privrede Kantona Sarajevo.
- 6) Izabranoj banci pripada kamata po odobrenim kreditima, troškovi obrade kredita, provizija za prijevremeni povrat kredita, kao i ostali troškovi koje snosi korisnik kredita. Banka u cijelosti snosi rizik naplate odobrenih poticajnih kreditnih sredstava - glavnice i pripadajuće kamate.
- 7) Prednost prilikom odobrenja kreditnog zahtjeva imaju subjekti koji obezbjeđuju nova radna mjesta o čemu banka dostavlja podatke uz izvještaj nakon urađenog monitoringa.



- 8) Predmetna poticajna kreditna sredstva ne mogu se koristiti u svrhu otkupa kreditnih obaveza po ranije preuzetim kreditima.
- 9) Izabrana banka po LOT-u 1 i LOT-u 2 se obavezuje da će ugovorenu kreditnu liniju i rezultate koji se po istoj ostvaruju, bez naknade promovirati putem elektronskih i printanih medija tokom cijelog trajanja ugovora, te izvještavati Ministarstvo privrede Kantona Sarajevo o namjenskom trošenju kreditnih sredstava u formi koju ugovorom usaglase Ministarstvo privrede Kantona Sarajevo i izabrana banka. U skladu sa ugovorom, izabrana banka vrši kontinuirani monitoring o namjenskom utrošku sredstava.

XII OSTALE ODREDBE

U postupku po ovom Javnom pozivu Ministarstvo privrede Kantona Sarajevo ne snosi nikakve troškove učesnika Javnog poziva, te zadržava pravo da poništi Javni poziv ili da odbaci sve ponude u bilo koje vrijeme prije zaključenja ugovora. Prispjela dokumentacija se ne vraća podnosiocu ponude.

Napomena: Zahtjev za dodatne informacije po određenim pitanjima iz ovog Javnog poziva se može podnijeti putem telefona: **033/258-132**, svakim radnom danom od 14:00 do 16:00 sati.



Dostaviti:

1. Evidencija
2. a/a



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba